

вечину, і медвѣдину, і бобровину, і хвостъ бобровъ, і въ говѣнне ядятъ мяса, пушающе в воду, — 1-е недѣль поста во вторникъ чернѣици ихъ ядятъ лой і в субботу постятъся, і постившеся вечеру ядятъ молока и яйца, † а согрѣшаютъ, не от Бога просятъ прощенья, но пращаютъ попове ихъ на дару, а попове ихъ не женятся законною жени[л. 25] твою, но с робами дѣти добываютъ и служатъ невозбранно, а пискупи ихъ наложици держатъ і на воину ходятъ, † і оплаткомъ служатъ, іконѣ не целуютъ, ни мощей святыхъ, а крестъ целуютъ, написавше на земли, і вѣставше попирающе его ногами, а мертвеца же кладутъ на западъ ногами, а руцѣмъ подложивше, † женяше же ся у нихъ поймаютъ 2 сестрѣ, а крещаются во едино погруженье, а мы въ 3, — мы же крещаяще мажемъся муромъ і масломъ, а они соль сыплютъ крещаемому в ротъ, імя [л. 25 об.] же не нарицаютъ святаго, но како прозовутъ родители, в то імя крестятъ, † а глаголють Духа Святаго исходяща от Отца і от Сына, † іна многа злая дѣла суть у нихъ, развращенная, погибель полна вѣра ихъ, — его ни жидове творятъ, то они творятъ, много же и в Савьску ересь вступаютъ. Мнѣ же рече отецъ мой: ты же, чадо, блюди ся кривовѣрныхъ і всѣхъ ихъ словеса, — занеже исполнилася і наша земля злая тоя вѣры. Да кто спасая спасеть душа свою, въ правовѣрїи верѣ живутъ; † вѣстъ бо иноя вѣры лучше нашеї, яко же [л. 26] наша чиста и свята си вѣра правозѣрная, † сею бо вѣрою живущи грѣховъ избыти і муки вѣчныя гознуты, но жизни вѣчныя причастнику быти і безъ конца со святыми радоватися. А существу въ иної вѣре — или в латиньствѣ, или въ срадинствѣ, или въ арменствѣ — нѣстъ видѣти имъ жизни вѣчныя. Не подобаетъ же, чадо, хвалити чужее вѣры. Аще хвалитъ кто чюжою вѣрою, то обрѣтается свою вѣроу хуля. Аще ли начнетъ непрестанно хвалити и свою і чюжою, то обрѣтается таковыи

кони, и осьлы, и удавленину, и мертвѣчину, и медвѣдину, и бобровину, и хвостъ бобровый ядятъ въ говѣнне, и мяса пушають първоѣ недѣль поста въ вторникъ, и чернѣици ихъ ядятъ лой, и в субботу постятъся, и постившеся вечерѣ ядятъ молоко и яйца, — а согрѣшениемъ не от Бога просятъ прощения, нѣ пращаютъ поповѣ ихъ по дару, а попове ихъ не женятся законною женою, нѣ съ робами дѣтей добываютъ, и служатъ невѣзбранно, и пискупи ихъ наложици дѣржатъ и на войну ходятъ, — и опрѣснокомъ служатъ, и іконѣ не цѣлуютъ, ні святыхъ мощей, и крестъ цѣлуютъ лежаше написавше на земли, а вѣставше попирають ногами, мертвеча же кладутъ на западъ ногами, а руцѣмъ положить, а не на перьсѣхъ, — женящеся у нихъ поймають двѣ сестреницѣ, а крещаются въ едино погруженье, а мы въ три, — мы же крещаящеся мажемъся мюромъ і масломъ, а они соль сыплютъ крещаемому въ ротъ, имени же не нари[л. 101 об.]цають святаго, нѣ како прозовутъ родители, в то імя и крестятъ, — се же пакы глаголють и Духа Святаго исходящаго от Отца и от Сына, — мы же не глаголемъ „от Сына“, — и ина многа суть яже въ тѣхъ злая и неправая и развращенная, и погибели полна вѣра ихъ и делеса ихъ, — его же ни жидове творятъ, то они творятъ, много же и въ великую ересь вступаютъ. Мнѣ же рече отецъ: ты же, чадо, блюди ся кривовѣрныхъ и всѣхъ ихъ дѣлеса, занеже исполнилася и наша земля злая тоя вѣры людей. Да кто спасая спасеть свою душу въ правовѣрїи вѣрѣ жива. И нѣсть бо иноя вѣры лучше, яко же наша, едина чистая и честная и святая си вѣра правозѣрчая: сею вѣрою живущи и грѣховъ избыти и муки вѣчныя гонезнуты и жизни вѣчныи причастникомъ быти и бесъ конца с святыми радоватися. А существу въ иной вѣрѣ — ли в латиньской, ли в арменьской, ли въ срачиньской — нѣсть видѣти жизни вѣчныя, ни части съ святыми. Не по-